

**529. fundur hreppsnefndar Tálknafjarðarhrepps haldinn Strandgötu 38, 16.
ágúst 2018
og hófst hann kl. 18:00.**

Fundinn sátu:

Bjarnveig Guðbrandsdóttir (BG), aðalmaður, Ingibjörg Ósk Þórhallsdóttir (ÍÓÞ), aðalmaður, Björgvin Smári Haraldsson (BSH), aðalmaður, Lilja Magnúsdóttir (LM), aðalmaður, Ása Jónsdóttir (ÁJ), ritari, Berglind Eir Egilsdóttir (BEE), varamaður og Guðný Sverrisdóttir (GS), sveitarstjóri.

Fundargerð ritaði: Ása Jónsdóttir, Hreppsnefndarfundur

Oddviti kannaði hvort athugasemdir væru við fundarboðun. Svo var ekki. Oddviti lýsir fundinn lögmætan.

Dagskrá:

1. Ráðning sveitarstjóra Tálknafjarðarhrepps - 1807039

Ekki hefur enn verið ráðinn sveitarstjóri í Tálknafjarðarhreppi. Búið er að auglýsa aftur og er umsóknarfrestur til 23. ágúst nk.

2. Ráðning Byggingarfulltrúa - 1808001

Samþykkt að ráða Jóhann Birki Helgason hjá Verkís sem Byggingarfulltrúa Tálknafjarðarhrepps.

4. Persónuverndarfulltrúi: Tálknafjarðarhrepps. - 1808006

Tillaga kom fram um að ráða Sigurð Má Eggertsson, starfsmann Ísafjarðarbæjar sem persónuverndarfulltrúa fyrir Tálknafjarðarhrepp. Samþykkt með fyrirvara um kostnað. Sveitarstjóra falið að ganga frá málinu.

5. Undirbúningsnefnd: úrræði fyrir aldraða - 1808009

Undirbúningsnefndina skipa: Bjarnveig Guðbrandsdóttir, Berglind Eir Egilsdóttir, Ingibjörg Jóna Nóadóttir, Níels A. Ársælsson, Helga Birna Berthelsen og Ása Jónsdóttir. Nefndin mun ekki taka laun fyrir vinnu sína. Hlutverk nefndarinnar er að kanna möguleika á byggingu dvalarheimilis í Tálknafirði. E-listinn átelur harðlega áform Ó-lista um að ætla að leggja fjármagn í undirbúningsvinnu vegna áforma um byggingu hjúkrunar/dvalarheimilis. Fjárhagsstaða sveitarfélagsins leyfir engan veginn slík fjárútlát þegar brýnni verkefni bíða svo sem lagfæringar á gatnakerfi og frárennslislögnum. Skynsamlegast væri að fela þjónustuhópi aldraðra að vinna þessa vinnu þar sem hún fellur undir lögbundið hlutverk hópsins en ekki vera að stofna nýja nefnd sem á sér enga stoð í lögum um málefni aldraðra. Ingibjörgu Ósk Þórhallsdóttur finnst að þetta mál megi bíða betri tíma. Skipun nefndarinnar var samþykkt með 3 atkvæðum meirihlutans, LM á móti, ÍÓÞ situr hjá.

6. Samningur: Nýr samningur - 1808005

*Lögð fram drög að nýjum samningi milli Motus og Tálknafjarðarhrepps.
Samþykkt með öllum atkvæðum.*

7. Erindi: boð um kaup á eignum félagsins. - 1808007

*Tekið fyrir bréf frá Iceland Sea Angling, dags. 01.08.2018 þar sem Tálknafjarðarhreppi, fyrirtækjum eða stofnunum á hans vegum, er boðið til kaups fimm hús Iceland Sea Angling hf. sem standa við Kirkjubraut.
Sveitarstjórn þakkar erindið, en hefur ekki tök á að verða við því að svo stöddu.*

3. Úrsögn: af lista óháðra (Ó lista) - 1807043

Bréf frá Ingibjörgu Ósk Þórhallsdóttur, dags 24.07.2018 þar sem hún segir sig frá lista Óháðra á Tálknafirði

8. Upplýsingagjöf sveitarstjóra. - 1808008

Sveitarstjóri fór yfir samskipti Tálknafjarðarhrepps og fiskeldisfyrirtækja á svæðinu. Sveitarstjóra falið að rita fyrirtækjunum bréf og leita samninga í samræmi við umræður á fundinum.

Einnig fór hún yfir skilabréf til sveitarstjórnar Tálknafjarðarhrepps en hún lætur af störfum á næstu dögum.

Sveitarstjórn þakkar Guðnýju Sverrisdóttur fyrir vel unnin störf og ánægjulegt samstarf.

Fleira ekki gert. Fundi slitið kl. 20:30.

Bjarnveig Guðbrandsdóttir
(BG)

Ingibjörg Ósk Þórhallsdóttir
(IÓÞ)

Björgvin Smári Haraldsson
(BSH)

Lilja Magnúsdóttir (LM)

Ása Jónsdóttir (ÁJ)

Berglind Eir Egilsdóttir (BEE)

Guðný Sverrisdóttir (GS)